

**Zeitschrift:** Le nouveau conteur vaudois et romand  
**Band:** 85 (1958)  
**Heft:** 3

**Artikel:** Kemin le kouao d'on chin l'è jou rètornao  
**Autor:** Jèvié  
**DOI:** <https://doi.org/10.5169/seals-230796>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 21.12.2024

**ETH-Bibliothek Zürich, E-Periodica, <https://www.e-periodica.ch>**



## Pages fribourgeoises

### *Kemin le kouao d'on chin l'è jou rètornao*

Tsakon chao proû ke lè dzin dè Thêrnya chon di galéjè braovè dzin. Ma lè Gruvèrin aomon tan lou bouchkanyî lè-j'on lè-j'ôtro ! Adon, po fére ingrèyî hou dè Thêrnya n'in konton kotchyè galéjè chu lou konto. E portan, l'è gayao di braovè dzin : li a in chti momin dou-j'èvètchyè vèkechin ke n'in chon, è le chupèryeû dou chèminéro n'in d'è achein. Chin kontao onko ke la dona à l'abé Bovet n'in d'îrè. Di braovè dzin nopao. Ma tchyè voli vo : lè Gruvèrin aomon adî fére ingrèyî hou dè Thêrnya, kemin ch'ôchan mé dè pochyin dè rapèrtchî tchyè lè-j'ôtro.

On yaodzo, n'in kontaovan na pindaobya. Volan ke ch'èthi pachaoyé intrè lè pèrotsin dè Thêrnya è hou dè Tsêrmê. Tsakon chao proû k'in Tsêrmê, li a, ou mohyî, dèj'on ôrtao, lè rèletchyè d'on kouao chin : le kouao dè chint'-Abondanthe. Bin chur ke li a tchyè mé lè-j'ou, katchî din on kouao dè thire. Parè ke hou dè Thêrnya ch'in cheran

tsêrdjî invide... è ke l'aran robao. Din le to vîye tin, choche, bin intindu. Hou dè Tsêrmê l'an kudjyî lou fére à rètornao lou chin, ma nyuba michton ! A fouarorthe dè riguenao è dè kontrèyî po rin, hou dè Tsêrmê chon jou lou pyindre avô vè l'èvètchyè. Ethan din lou drê, to de. Ache, l'èvètchyè l'a fi nè yon nè doû : l'a chomao hou dè Thêrnya dè rètornao le kouao dè chint'-Abondanthe à hou dè Tsêrmê. Che le fajan pao to tsô, cheran èchkomniyao. Raoudziyè ! Hou dè Thêrnya chon jou impontao : on le cheri a min. L'an déchidao dè rètornao chti kouao chin. Chè chon intindu avu hou dè Tsêrmê po le dzoua è l'âra. Duvè profèchyon chon modaoyè, l'ena tota dzoyâja du Tsêrmê, l'ôtra, proû min fyêrta, du Thêrnya, avu le kouao chin à rètornao. Ou pon dè Djyaovro, ke fao limita intrè lè duvè pèrotsè, lè duvè profèchyon chè chon rakontraoyè.

Lè doû prèjidan chè chon trovao nao à nao, bin chur. Chi dè Thêrnya, on bokon imbarachî, l'a pao fi on bin gran dichkour. Chè komprin. L'a rin tchyè de : « E bin, inke don, no vo rètouaornin vothon chint'Abondanthe. » Chi dè Tsêrmê, n'in d'a pao de proû dè pye. In le voutin on bokon dè travê, li a rin tchyè de in chè charin on bokon lè potè : « Ch'ôchè jou doû dè dè bakon chu lè kouthè, vo le no-j'arao proû pao rètornao ! »

*Jèvié.*

**Amis du « Conteur romand »,  
chers abonnés, mots-croisistes !**

*Faites connaître le CONTEUR  
ROMAND autour de vous !*

*Un nouvel abonné au CONTEUR  
est un ami gagné à notre cause :  
la défense et le maintien de  
notre vieux langage et de nos  
traditions !*